

St. Dr.  
9815  
Teol

Conciones et Oraciones eul.

Modistka Augustinus:  
Invicta sapientiar fortis  
sado — iive D. Catha-  
rina martyr.

Prague typis s. j. 1698.

Thorst  
9815





Invicta Sapientiae Fortitudo,  
<sup>S I V E</sup>  
Mulier fortis in Virgine Sapiente :  
**D. CATHARINA**  
**M A R T Y R**  
**PARTHENOSOPHA.**

*In anniversaria Solemnitate*

Coram Senatu Populoque Academico Almae Caesareae Reg:  
Universitatis Carolo-Ferdin: Pragensis  
in Ecclesia S. Salvatoris

*Collegij Cæs: & Academici Soc: JESU Praga ad S. Clementem.*

*Panegyricò celebrata.*

SUB RECTORATU

*Prenobilis Clarissimi & Excellentissimi Viri*

DOMINI

**JOANNIS FRANCISCI LÖW** ab Erls-  
feldt, AA. LL. & Philosophiæ, Juris Utriusque & Medicinæ  
Doctōris, Sac: Cæs: Regiæque Majestatis Consiliarij in Alma & An-  
tiquissima Universitate Carolo-Ferdin: Pragensi ejusdem Medicinæ Praxeos Pro-  
fessoris Regij Publici ac Ordinarij, Facultatis Medicæ Senioris, Sacri Lateranen-  
sis Palatij Aulaeque Caesareae Comitissæ & Medici, nec non præfatæ Univer-  
sitaris Carolo-Ferdin: Pragensis p. r.  
**RECTORIS MAGNIFICI.**

*Ab*

Erudito Domino **AUGUSTINO WODICZKA** Bohemo Plsnen-  
si, AA. LL. & Phil. Baccalaureo, Metaphysices & Ethices Auditore ex Convictu  
S. Bartholomæi Anno M. DC. XC. VIII.

**PRAGÆ**, Typis Universitatis Carolo-Ferdinandæ, in Collegio  
Societatis JESU ad S. Clementem.









## ORATIO.



EA in Muliere Magnanimæ fortitudinis semper fuit æstimatio, ea invictæ Magnanimitatis apud omnes Cōmendatio, ut profusis etiam urbium thesauris, expensis Regnorum Provinciarumque gazis, coactō denique orbis extremi pretiō licitandam, jam dudum sapiens judicaverit: *Mulierem fortem quis inveniet? illius quæstio est an querela: procul procul & de ultimis terræ finibus pretium ejus.* Usque adeò raras scilicet Amazones habet orbis, quæ victricem hostibus intentent dexteram, ut auratas Tagi divitias, locupletes Eridani thesauros, & gemmifera Gangis Indici exhaurire hydrophilacia, uni heroæ comparandæ Viragini, parum esse videatur, donec imbellis sexûs probrosa hæc est infelicitas: *Timore pleno pavidè in pugnam & ferrum inspicere. Eurip. in Med.* Sed enim quid lamentaris Orator querule? quid Magnanimam inter fœminas, fœminis ipse imbellior, desperas fortitudinem? immortalia tot viraginum Priscarum repete facinora: victoriosas tot gloriosissimarum



Heroidum recordare dexterarum, neque adeò Novercam Mulieribus naturam, ut nullam heroò robore, virtute mascula, condecoraret, honestaretque, confitebere. Si generosa Lacænarum Civium fabulam cogitabis pectora, si magnanimos Amazonum spiritus auram levem arbitraberis, fortem nihilominus heroamque oportet fateare Virginem, quam inveneris sapientem. Neque ad hoc opus est ultimas expirantis mundi vestigare plagas, viciniora Latio Mariù scrutare littora, fortem heroamque Mulierem in Virgine reperies sapiente, in Martyre Parthenosopha Catharina: in hac enimverò victricibus inclytam trophæis & laureatis triumphantem adoreis Amazonem, adhucdum suspicit Alexandria, miratur Ægyptus, agnoscit Africa, colit Evropa, & submisso poplite sapientissima Philosophorum Corona veneratur. Apage jam Amazonum tuarum buccinatrix antiquitas! Apage Heroidum tuarum nundinatrix fabulosa vetustas! inania vanæ temeritatis & audaciæ, non magnanimæ fortitudinis crepas nomina: quâ nihil est fortius urbium & orbis domitrice sapientiâ, hac una triumphat Alexandria felicius, quæ, dum brevi compendio in una Virgine Catharina universam complectitur & stringit Græciam, dum in puella plenò fluere cernit alveò quam in tot viris guttatim sese prodentem illa stupuit sapientiam, tantò etiam fortitudine & magnanimitate, eminentiorem, virorum reveretur domitricem, quantò sapientiâ sublimiorem illustrioremque admiratur.

Atque



Atque hoc est Magnifice Rector, Spectabiles Decani,  
Eximij, Clarissimi, Excellentissimi, Doctissimique Sapien-  
tiæ Præsides & Professores, Alma Cæsarea Regiæque Carolo-Fer-  
dinandea Pragensis Universitas, tūque inprimis Inclita Do-  
ctissimæque ad pendendum hodie fortissimæ sapientissimæ-  
que Palladi tuæ annum minerval congregata Facultas Phi-  
losophica: hoc, inquam, est, quod (dum Catharinæis au-  
thorata signis Philosophæ Virginis conlectaris sapientiam,  
Martyris etiam imitata fortitudinem, secuta magnanimita-  
tem, de profligata triumphos agis ignorantia) mihi in præ-  
sentiarum peroraturō dictionis subministras argumentum:  
Invictam Sapien-  
tiæ fortitudinem, Mulierem fortem in Vir-  
gine sapiente, verbō: Martyrem Parthenosopham Cathari-  
nam. Fave Senatus Populēq; Academice, & insipidum pro-  
rostris oratorem Magnanima fortitudine sustine patienter.

Catharina Martyr Parthenosophia! & quidni hoc ego  
te nomine? quidni hoc titulo te compellem? dum quid-  
quid est in te cernere, meram sapit Fortitudinem, meram  
spirat Philosophiam. Si purpuratas cruore regio intueor  
Cunas, & principali sanguine nobilitatas lego fascias, ecquid  
amabo dicite affine magis regali Philosophiæ? ea sanè Pla-  
tonis erat sententia, ut nemini sceptrum fascēsque conce-  
deret, neminem regali aptum folio & moderandis natum  
censeret Populis, nisi Philosophum, neminem denique cre-  
deret felicius Regibus philosophari. Est Philosophia ex  
mente Tullij urbium parens, quid eminentius? est huma-



næ Societatis Fundatrix, quid augustius? est legum inven-  
trix, quid regium magis? est Philosophia Civium salus, mo-  
deratrix Populorum, firmamentum Regnorum, tutela Pro-  
vinciarum, est orbis universi felicitas, quid principalius?

Si nomen examino, quid tam sapiens & Philosophum?  
quot literis tot ligustris & lilijs puritatem loquitur Catha-  
rina: atqui hæc prima Nazianzeno est sapientia, *quâ puri-  
puro jungimur & sociamur. In Apolog.* Si Virginem reipsa  
specto, quid Philosophiæ, amoris studioque sapientiæ est  
affinius? vos ego hîc saniora ethnicæ superstitionis apello  
nomina, magna gentilium Philosophorum contestor numi-  
na; edicite! edicite! ecurr non aliud sapientiæ numen  
quàm Virginem præfecistis Minervam? ecurr non alias stu-  
dijs Præsides, quam intaminatas præposuistis Camœnas? fal-  
lor nisi antiquissimum virginitatis & sapientiæ nexum in-  
dicare voluistis. Sed veterum sordescunt fabulæ, christiana  
arridet veritas. Oculos in Cœlum erige Senatus Populæque  
Academice, quid Angelis in illo doctius quid sapientius?  
Intelligentiæ ipsæmet sunt, sed & (itâ liceat dicere) Virgi-  
nes sunt, quando terrenæ Virgines, quæ non nubunt neque  
nubuntur, Angelis comparantur. Quod si inter felicissimos  
Beatissimósque Cœli Cives eorum duntaxat scrutemur sapi-  
entiam, qui vel inter venerandos eminent Patriarcharum  
vertices, vel inter divinissimos Prophetarum Cœtus inam-  
bulant, vel inter sublimes Apostolici Senatûs dominantur  
Potestates, vel inter laureata Doctorum glomerati agmina,

reful-



refulgent veluti stellæ, vel inter rubicundas Martyrum phalanges candicant, vel denique inter victrices Confessorum triumphant Exercitus, quos amabo Doctissimos sapientissimisque salutabimus, nisi Virgines? Virgines enim verò sapientiores cæteris, præter omnia noverunt aliquid quod ignorant alij: peregrinum reliquis melos suavissimâ dulcissimâque modulantur harmoniâ. Nunc in terras obtutum reflectite, quis in has ipsâ æterni Patris pellexit sapientiâ? Virginitas; *hec nubes, æera, Angelos, siderâque transgrediens, Verbum DEI* (æterni Patris, intelligite sapientiam & sophiam) *in ipso sinu Patris invenit, totâque hausit pectore.* Ambr. l. 1. de Virg. Deum immortalem! quale quantumque pectus Virginitatis! quod eam intra se capit concipitque sapientiam, quam unus ab æterno concipere potuit immensus paternæ divinitatis sinus. Testem ego hîc omni exceptione majorem, maximum apello Ambrosium, qui geminum paternæ sapientiæ, Unigeniti Filij, illinc à Patre in æternitate geniti, isthinc à Matre in tempore nati, indicaturus uterum: *Sinus, inquit, erat in DEO Patre divinitas, in Matre Virginitas, Serm. 28.* divinissimo videlicet sapientiæ partu foecundata. Sed longius digressam Catharina Parthenosopha revocat orationem: in qua si cætera virtutum spectem Catharinæarum decora & ornamenta, ecquid rursus assymbolum magis Philosophiæ? est illa virtutis indagatrix Tullio, est morum Magistra, est vitæ Dux: *neque aliud quidpiam alienum est sapientiæ nisi quod incongruum est virtuti.* Ambr: Ep: 36. ad Const.

Quis



Quis mihi sit dignus sapientis nomine, quæris?

Accipe: cui virtus jam sapit, ille sapit.

Denique si Martyrem contempler Catharinam, quidni dicam Parthenosopham? est namque Philosophia, amara mortis contemplatione & memoriâ, Martyrium quodpiam incruentum; atque hinc dum Parthenosopham hæcenus ostendi Catharinam, Martyrem simul demonstravi, dum sapientem asserui, fortem asseveravi, tam arcto stabilique fœdere sapientia Catharinæ sibi fortitudinem copulavit, ut victrix semper, devicta nusquam, repetitos hostiū infringeret ausus generosior, tela retunderet vehementior, & immanes ferocientis Tyranni furias, indomitam Maximini rabiem domaret gloriosior, sterneret, detriumpharet. Sed nè quæsitō verborum lenociniō invictam sapientis Catharinæ fortitudinem effœminare videar, vestris potius Amazonem Magnanimam spectate oculis Auditores. & ecce! tota in unam Ægyptus glomeratur Alexandriam, tota in unum profani Apollinis delubrum confluit Alexandria: currit cum plebe Senatus, cum senibus juvenus, cum cive peregrinus, cum sacrificulo Imperatore Maximino scelestam numini scelestiori hostiam, quindena super hecatomben ferocium taurorum paria, imperiali ad aras acinace litatura; quis vesanam superstitiosæ gentilitatis corrigit irreligionem? corrigit Magnanimitas Catharinæ. Quis improbißimum scelus & illatam vero Numini tam palmarem vindicabit injuriam? vindicabit magnanimitas Catharinæ.

Quis

Quis hostiarum madentem sanguine Maximini sistet dextera-  
ram? sistet magnanimitas Catharinæ. Quis tot assuetam  
jugulis machæram à coede prohibebit? corriget, vindica-  
bit, sistet, prohibebit, magnanimitas Catharinæ. Et en!  
ut probrosam gentilium sacrificiorum detestata immanita-  
tem, impiam scelestissimorum rituum execrata superstitio-  
nem, per densos Idololatrarum cuneos irrumpit in delu-  
bum; non illa imperialem Cæsaris veretur trabeam, non ar-  
dentem Tyranni expavescit vultum, non fulminantes Ma-  
ximini horrescit oculos, non promptas in vindictam ma-  
nus, non strictum in neces timet acinacem; non futuris  
tormentorum absterretur cruciatibus; quin Maximinum  
conspicata belluino jam contaminatum sanguine, generosa  
interpellet apostrophe: Siste, inquit, Maximine! itane  
verò Augustum orientis caput, tot Africæ verendum natio-  
nibus, tot Populis metuendum, foedissimis demonum lar-  
vis in probrosissimam tui ipsius atque Imperij Romani  
Ignominiam turpissimè submittes? itane verò honores Di-  
vum, Deique cultum ijs impunè deferēs? qui cùm inter  
mortales agerent, vitam propudiosissimis moribus scelestis-  
simaque libidine contaminârunt? O! Cymmerias erro-  
rum tenebras! Uno veròque contempto Numine, innume-  
ros de averni specu protrahere & adorare deæstros: Vah ne-  
fas! Maximine siste! Imò verò siste tantisper impetum ne-  
que tui Catharina penitus obliviscere; quid agis? audi!  
specta! non expavescis glomerata gentilium agmina Cæsa-



rem Deosque vindicatura? ridet. Non contremiscis ad  
sanguinantes sacrificulorum Machæras? contemnit. Non  
Maximini te movent furia? nil movetur. Non minæ, non  
te terrent Catastæ? exoptat. Ergo age, fortitudinem tu-  
am deinceps exere Catharina! progredere! quò furiosâ  
Maximini te vocat rabies, in theatrum, jam scena magna-  
nimitatis panditur, & O! Deum immortalem! quale pro-  
scenium! durefcit in ferrum, rigescit in lanceas, crudefcit  
in enses, curvatur in rotas, exurgit in Cruces, accenditur in  
flammas, tenuatur in tauræas, livescit in virus, in scorprios  
animatur, vides hæc & impeterrita spectas Catharina? vide  
vide ut scena acuitur in pectines, globatur in grandines,  
horrescit in ungulas, asperatur in serras, ardescit in fulgu-  
ra, lapidescit in fulmina, fulgurat, tonat, fulminat, & adhuc  
non moveris Catharina? sed quid video? quid specto Au-  
ditores! Catharinam in terras curvantem genua intueor,  
lacteamque cervicem sub cruento insanientis Tyranni gla-  
dio fatalem ictum præstolari; jam Purpuratus carnifex  
torvo vultu exporrigit oculos, cohortescite ad monstrum!  
colligit in venas rabiem, contremiscite! enssem vibrat, ex-  
pallefcite! ictum intentat, heu ferrum cohibete spectato-  
res! Sed actum est, jam cecidit, jam jacet Catharina! &  
hæc Catharinæ de Maximino triumphatrix est magnanimi-  
tas? hæc invicta sapientiæ fortitudo? Sic est! imbellem  
sanè profiterer sapientiam si morte vinceretur; vivit hodie-  
dum victoriosa Catharinæ magnanimitas & profuso lacte  
sapi-



sapientis Virginis in fortem enutritur Mulierem, desævien-  
tis Loethi cessura periculis, nisi fatalibus extremum quoque  
spiritum cederet catastis. Io triumphā Catharina! Ma-  
gnanima sapientiæ tuæ fortitudo nunquam patuit magis,  
quàm cum devicto prius ad aras Maximino, superatis dein  
quingenis Ægypti sapientibus, mortem denique ipsam  
generosè mortuā, detriumphāsti.

Nunc ad te mea convertitur Oratio inclyta sapientum  
Corona Almæ Cæsareæ Regiæque Universitatis Carolo-Fer-  
dinandæ Pragensis Senatus Populæque Academice: dūmq;  
tu laureatas Amazoni tuæ Parthenosophæ Martyri Cathari-  
næ gratularis adores, sine tibi ut magnanimam gratuler  
Catharinam; illa invictæ sapientiæ tuæ pretiosum usque  
hodie distillat oleum & ceroma, quò delibuta luctatrix sa-  
piens & Magnanima, Catharinæo perennes  
nomine, gloria, & honore.

DIXI.







